

合肥李勤恪公政書



恭謝

天恩摺 二年二月初六日

奏為恭謝

天恩仰祈

聖鑒事竊臣於光緒二年二月初四日在雲南省城
接准兼署湖廣督臣翁同爵咨會轉准吏部咨
開光緒元年十二月十九日內閣奉

上諭四川總督著李瀚章調補欽此臣當即恭設香
案望

闕叩頭謝

恩伏念臣忝督楚疆於今六載涓埃未効報稱毫無

去年七月間遵

旨馳赴雲南查辦事件茲復仰邀

恩命

簡任西川查川省北接陝甘東聯湘鄂西通番藏南
界黔滇戶口殷繁幅員遼濶總督兼管巡撫事
務舉凡吏治民生餉源軍政以及鹽茶課稅中
外邊防在在均關緊要如臣樗材深懼弗勝將
來履任之時惟有殫竭血忱督率屬僚力求整
頓以期仰答

鴻慈現在馬加理一案雖已訊有端倪而英國參贊

遵查滇撫被參緣由摺

奏為遵

旨密查覆奏恭摺仰祈

聖鑒事竊臣前准軍機大臣密寄光緒元年十一月

初八日奉

上諭侍郎郭嵩燾奏特參釀成事端之撫臣請旨嚴

懲一摺據英國繙譯官馬嘉理被戕一案岑毓英

意存掩護歸罪野人並不查明實情奏報亦不研

考事理詳求善處之方等語此案前據岑毓英奏

報業經拏獲兇犯提解到省聽候訊辦現在李瀚

章諒早到滇著即詳細推求秉公研訊岑毓英有

無掩護情事並著據實查明總期持平辦理免滋

藉口等因欽此惟時臣甫抵滇未敢率行覆奏現

在馬嘉理被戕一案業經英員觀審所有詳細

情形另行恭摺具

奏遵將郭嵩燾所參岑毓英各條逐一查覈馬加

理前次由滇赴緬執護照通行無阻迨與柏郎

由緬回滇隨帶緬兵洋兵多人紳民聞聽謠傳

聚團自衛乃致關外匪徒乘機劫殺實地方文

武所不及防岑毓英查無先期檄飭文據騰越

各土司轄境向以八關為限馬加理被戕地方
在銅壁關外二十五里萬峯竦峙巒疊雜居乃
化外羈縻之地其人有世居巖洞者亦有被擄
漢民及敗徇竄入者既在野山界內不能細加
區別一概呼為野人現訊拏獲各犯供認搶劫
不諱委非歸罪騰越在雲南極邊距省寫遠馬
加理被戕後岑毓英豐飭嚴拏一經報獲即行
具奏其時犯未勘審祇能據稟入告致與現訊
供情稍有未符尚非有心掩護楊玉科署理提
督在事出以後本與此案無干李珍國喉眾阻
攔供證確鑿並有密函可據不得謂牽連在內
伏查岑毓英肅清滇省其功誠不容沒惟身任
督撫於此等重大案件未能迅速辦結責以遲
延之咎本屬無詞若如原參各條似得之遠道
傳聞未為允當臣不敢代為掩飾至賓旅為五
禮之一古先哲王垂為鉅典我

朝所頒會典通典諸書於內外蒙古及俄羅斯交
際事宜臚列至為詳備居今稽古學禮從周正
士大夫所宜究心者近日泰西各國環集中土
變通盡利存乎其人尤為當務之亟郭嵩燾湛

深經術探本立言凡在臣工目擊時勢均宜互
相勗勉共濟艱難不得故為高論致違


國家懷柔遠人之意所有遵

旨查覆緣由謹繕摺密陳伏乞

皇太后

皇上聖鑒訓示謹

奏



皇太后

皇上聖鑒訓示謹

國家懷柔遠人之意所有遵

旨查覆緣由謹繕摺密陳伏乞

皇太后皇上聖鑒訓示謹

遵查英員被戕被阻全案情形摺
奏為遵查英員被戕被阻詳細情形恭摺覆陳請
飭籌議定擬以成信讞事竊臣等自上年十月到滇
後提訊戕害馬加理之犯供並密查却署都司
李珍國顯有計阻英員之意當經據實奏參奉
旨李珍國著先行革職分別研鞫等因欽此欽遵在
案數月以來臣等督飭奏調道員丁士彬知府
蔣銘勳等會同雲南布按兩司更番訊取供詞
復由臣等親提審問現經英國參贊格維納等
來滇觀審訖謹將全案顛末及查究情形為

皇太后

皇上敬陳之馬加理於同治十三年十一月到滇先
經兼署雲貴督臣岑毓英遵照總理衙門文函
飭屬妥護已革騰越總兵蔣宗漢已革騰越同
知吳啟亮奉文後商派都司徐成林迎護到騰
會晤款洽仍派兵役護送出境馬加理瀕行有
致蔣宗漢謝函為證訊據蔣宗漢吳啟亮供稱
馬加理祇言往迎柏郎並無何日回騰囑令迎
護之說去後亦無文函知會等語此馬加理初
次過騰平安出境之情形也馬加理由騰赴緬

境新街後與柏郎會合初擬由拱硯南坎入滇
之永昌府一路行走迨至拱硯被馱貨野人損
壞行李復折回新街改由蠻幕前進於光緒元
年正月十三日行抵南平河有路人告知護送
英員之緬官謂戶宋河有匪徒攔路柏郎感之
馬加理以途係已經徑自進發十五日住宿蠻
允之緬佛寺次日意欲往迎柏郎行至戶宋河
即遇久慣路劫之山匪而通叻臘都等糾約硯
夥附以逃狃地匪約百餘人向索過山禮馬加
理聞鎗斃其夥匪一名匪眾一齊上前將馬加
理及其賓從四人一併殺害劫去隨行馬匹什
物及緬佛寺內行李看守之漢人一名當時逃
去此馬加理在戶宋河被戕之情形也柏郎自
馬加理由南平河分身後越日亦即前進行至
雪列地方因行囊食物未到仍回南平留從人
石雨田在雪列與馬加理先行帶往後留在彼
聽信之通事李含興等候前途消息柏郎於十
七日在班西山下被眾三面合圍阻其去路經
護送印度緬甸各兵開鎗擊斃數人並於後路
樹林放火始各潰散其在場目擊者即劫殺馬

加理之腊都因聞南平馱載甚多復糾夥往劫據供其中有就地山匪有內地逃出漢奸及業已正法逆狃李國淪之子李發羽黨不期而會者共約近二千人等語此柏郎在南平河被阻之情形也當馬加理之既西也騰民間地方官示諭洋員往來照約護送本無他意惟騰境自狃逆倡亂十有餘年賴闔境有

國初時舊立都團名為十八練殺賊克城已革副將銜叅將李珍國實為團首即英國駐京使臣威妥瑪照會所稱李協台即李四者也因頻年剿散餘匪潛伏關外時圖報復騰民恐其謀知英員帶兵來滇乘機混入以李珍國正在干崖壩尾奉札解散波三海馬二股匪事宜函促回騰齊團保境檢查紳眾原函祇囑李珍國會團守衛初非計阻洋兵奈李珍國並不回騰竟自居間發難布置截阻揮霍犒金欲為攤索資費地步齎函紳眾極力鋪張紳等力難禁遏遂各自齊團防守境內據總兵李勝密訪及蔣宗漢吳啟亮等面供該練地實無團勇出境李珍國原信已據紳眾呈繳研訊蔣宗漢吳啟亮僉供

李珍國祕謀事前實不知情事出之後始聞人
言及之此查出李珍國計阻洋人入境之情形
也臣等查英國駐京使臣威妥瑪照會總理衙
門所稱馮加理被戕柏郎被阻情形旁觀傳述
不無所聞異辭而核其地界及起事日期與臣
等查訊各節尚屬相符至照會內稱喀乾土人
告知柏郎聞中國官楊調兵攔阻一節訊據蔣
宗漢等供稱該處帶兵員弁實無楊姓其人至
開化鎮總兵楊玉科是年正月半後始由京回
至省城更無干涉又照會內稱攔擊柏郎之漢
兵執械吶喊聲音係李協台親姪叔君一節訊
據李珍國供稱該革弁全家均死緬匪之難祇
有族姪李含興此次隨同英員由緬回騰另無
子姪名喚叔君及名與叔君二字同音之人又
照會內稱馮加理被害後割取首級懸掛廳城
一節訊據蔣宗漢吳啟亮供稱實無此事眾目
昭彰斷難掩飾兇犯腊都等供稱實係殺死後
就近拋棄戶宋河內臣等檄飭現署騰越總兵
同知等懸賞購求屍首認真設法打撈據稟實
因日久漂沒連撈八日之久未能撈獲等語尚

係實情至照會內指稱李珍國串通某頭目攔阻英官不許進入中國及額游客從孟磨起程風聞李珍國已在各土司地方布置兵勇駐扎各等語經臣瀚章派往密查之總兵李勝親赴騰越蠻允訪查道路之口均稱係李珍國所為而該革弁研訊十餘次始終狡避是以英國使臣威妥瑪照會內所稱喀乾土人斬取擊斃首級之漢兵又蠻允司棉官函述殺害馬加理之中國人又告誡緬人毋與英人同行之華姓順姓或宋姓劉姓又從騰越下來未進蠻允城夜聞人聲嘈雜約帶三四千兵亦係劉姓順姓或宋姓又告知緬國探子俄瑪姓謂由打英人地方回來之中國某姓官員又李珍國在孟磨不允派隊護送額游客時一律阻撓之某頭目又事後因未能殺盡英官及跟同之漢人緬人懲辦統兵官等之駐蠻允中國楊官員各種情節各項人等均無憑拘傳訊究且照會內亦未能指出名字或名姓俱無勢難將凡與同姓及毫無把柄之人妄拏追訊徒滋紛擾惟各路之布置皆緣李珍國一人之主謀無由治其脅從應

即答其主使李珍國雖堅不承認其寄騰城紳
眾一函並蔣宗漢吳啟亮亦供事後聞李珍國
實有各路布置之事憑證昭然已同鐵案即照
眾供確鑿即同獄成之例子以應得之罪百喙
奚辭蔣宗漢吳啟亮訊無調兵攔阻情事李珍
國秘謀事前實不知情惟明知英員將由緬甸
來滇徒以未據馬加理先期知照未能預籌迎
護迨案出以後又不能趕緊拏辦雖後來帶兵
捕獲犯贓尚知愧奮究屬疎忽於前業經臣等
奏參暫行革職野山地居士司界外匪徒分崗
爭雄羣呼為野人官膺聚出沒為害行旅此次
劫阻英員之犯除上年官軍往捕格斃裴六而
都而糯雷大裴小陀而敢幹等五十餘名並就
擒後在騰越監斃六濫幹阿用二名在省監斃
麻幹一名又起解在途脫逃蘭小紅一名途次
因傷身故而排幹阿弄二名節將解到匪犯
而通四腊都而腊感而肝陸濫當而幹爾同
巴即而腊而剛幹而排腊而樣雙施奶等共
十一名分別譯訊並未刑求該首犯而通四
腊都供認起意糾搶拒殺馬加理及其跟隨

四人腊都又供認糾夥前往南平河圖搶柏郎
而剛幹而排腊而樣雙施奶供認戶宋南平兩
處分投從劫各不諱亟應明正典刑庶野匪稍
知斂跡緬滇道路可期通暢惟案關中外交涉
臣等未便遽行擬結謹將查究詳細情形據實
臚陳請


旨飭下總理衙門詳慎籌議會同刑部分別定擬以
成信讞除飭將已革總兵蔣宗漢已革同知吳
啟亮妥慎看管已革都司李珍國及匪犯而通
四等十一名分別監禁訊無不合之通事李含
興交保候傳在逃之匪犯蘭小紅咨由兼署雲
貴督臣岑毓英勒緝務獲歸案辦理起獲馬加
理馬匹什物共五十六件已點交英國參贊格
維納等收回取有單據全案供招並李珍國寄
紳眾原信咨送總理衙門備查外謹會同兼署
雲貴督臣岑毓英合詞繕摺具

奏伏乞

皇太后

皇上聖鑒訓示施行謹

奏



奏

密陳洋員觀審及赴緬情形摺

二年四月十六日

奏為遵

旨密陳恭摺仰祈

聖鑒事竊臣等於四月十二日行抵四川瀘州屬納

谿縣途次接准軍機大臣密寄光緒二年三月

十九日奉

上諭總理各國事務衙門奏觀審洋員到滇並陳英

國使臣議論情形一摺威妥瑪赴該衙門辯論此

案據稱格維訥觀審後須到緬甸或仍由內地回

京或由海道北來俟接其文書後說出辦法如不

肯行自有辦法等語意存挾制惟格維納一經赴

緬則辦理益無憑藉勢必枝節橫生且恐其回京

後威妥瑪信其一面之詞百端狡執更形棘手著

李瀚章薛煥恣心查辦務須實事求是並須就格

維訥未經赴緬之先將案中緊要關鍵及罪名各

節逐一切實擬議有以折服其心再行奏明辦理

至格維訥將來赴緬時並派明幹文員伴同前行

即作為查看邊界貿易情形至滇緬交界為止以

示防維等因欽此臣等遵查英員被戕被阻詳細

情形及格維訥等觀審後啟程赴緬日期業於

情形及格維訥等觀審後啟程赴緬日期業於

三月初七日由驛具奏請

飭總理衙門會同刑部籌議定擬並聲明臣瀚章啟

程東行迎摺北上臣煥亦即回籍調理拜摺後

遵於三月初十七日先後起身四月十二日

同抵納谿縣界適奉

寄諭仰蒙

聖訓周詳曷任欽佩伏查臣等查辦此案計閱五月

之久沿途周諮博訪並調派湖南綏靖鎮總兵

李勝改裝易服親赴蠻允地方詳密詢問到滇

後提集各犯飭委研訊十數次供吐如繪格維

訥等觀審畢詢以能否悅服僅據將無從查考

數條略為指述及臣等逐條辯駁格維訥又謂

彼無議辦之責早經威妥瑪囑咐為詞臣等查

威妥瑪滿腹奢望特以滇案為波瀾無論如何

查辦均難保其到京毫無翻異若就案情而論

臣等在在實事求是無可再查威妥瑪所最重

者馬加理被戕柏郎被阻必須究出主使及犯

證供詞無不確鑿現在首從各犯何人起意何

人下手直認不諱革弁李珍國計阻洋人入境

亦查出致團練信函足為鐵據並有與馬加理

亦查出致團練信函足為鐵據並有與馬加理

柏郎同行目擊之李含興為證均係緊要關鍵其餘照會所指未能查出數條或傳聞互異或名姓全無在彼族強指為關鍵於案情實不為緊要臣等勢不能捕風捉影妄拏追訊紛擾徒滋至罪名一層強盜行劫得贓武弁斂財生事律有明條臣等前奏所以不遽援引定擬者緣事關中外交涉與內地案件不同威妥瑪去歲來函及梅輝立赴總理衙門面述謂此案若但憑外省訊斷無益有損格維訥等抵滇又首先索取照會不得遽行處治臣等儻將罪名按例斷定萬一威妥瑪橫加駁斥豈能改易爰書尤恐總理衙門因此轉形棘手臣等籌商再四實有萬不得已之苦衷業經密陳定邀

洞鑒格維訥等此次西去明係查看情形預為通商地步臣等亦早慮及原議面商辦法藉作轉圜乃引逗多方該參贊等始終不提一字臣等勢難強聒與語且其行甚急臣等若固留之彼必緘默如故且恐波折橫生愈無以仰紓

宵旰是以該參贊等赴緬照章派員護送並未提明查看貿易滇緬向以蠻允為界將來許其通商

似亦以此地為適中臣等與前署雲貴督臣岑毓英密商已久迨臣等啟行時岑毓英適值聞計丁憂當經詳細告知雲南布政使潘鼎新密授機宜令其預為規畫此次欽奉

諭旨復經密飭遵照新任雲貴督臣劉長佑計日應可到滇一俟暑退瘴銷即可徐為勘辦臣等在途疊接地方官稟報格維訥等已過大理日內可達緬界印委各員妥為保護諒無疏失附慰宸廑謹專摺由驛密陳伏乞

皇太后

皇上聖鑒訓示謹

奏

叩謝

天恩並到川日期摺

二年十月二十七日

奏為叩謝

天恩並報

微臣

行抵四川省城日期恭摺仰祈

聖鑒事

臣

於七月初六日由皖力疾赴川當將起

程日期專摺具

奏一面沂流上駛八月間行次宜昌時值峽江盛

漲驛路被淹改由施南順慶一帶前進山深雪

早嶺峻途紆復因感受風寒略有耽擱十月二

十三日始抵成都護督臣文格辦理武闈正在

分場校閱未經竣事難即交卸並據咨開光緒

二年十月初十日准兵部火票遞到九月十一

日內閣奉

上諭李瀚章著調補湖廣總督欽此臣當即恭設香

案望

闕叩頭謝

恩伏念臣猥以菲植渥荷

隆施頻年忝領楚疆涓埃未効去歲奉差滇省隕越

尤深迺狂塵甫拂於巴江

恩命重移乎鄂渚稍紓蚊負庶幾民俗之曾諳近遂

烏私尤荷

聖慈之曲體捐糜莫報感激難名惟新授四川督臣
丁寶楨尚無來蜀之信護督臣文格又因調任
山東巡撫疏請

陞見臣另有奉

旨交查東鄉縣匪眾滋事一案應否俟丁寶楨到任
接辦抑先行接受四川總督篆務以便確查研
訊未敢擅專伏候

諭旨遵行所有微臣感激下忱及行抵四川省城日期

謹繕摺由驛叩謝

天恩伏乞

皇太后

皇上聖鑒訓示再臣此次拜摺係借用四川總督關

防合併陳明謹

奏

竊臣等伏查四川匪患猖獗外縣查緝
實文查東鄉縣匪眾滋事一案與否於丁寶楨到任
實是屬實查東鄉縣匪眾滋事一案與否於丁寶楨到任
山東巡撫疏請

丁寶楨到任後查東鄉縣匪眾滋事一案與否於丁寶楨到任
實是屬實查東鄉縣匪眾滋事一案與否於丁寶楨到任

楚岸淮鹽引地未可驟禁川銷摺

奏為楚岸淮鹽引地未可驟禁川銷籲請展限辦

理以保實餉而順輿情恭摺仰祈

聖鑒事竊臣於途次接准護四川總督雲南巡撫臣

文格咨開七月三十日准軍機大臣字寄光緒

二年七月十三日欽奉

上諭沈葆楨奏收回淮鹽引地應遵部議迅速舉行

一摺據稱以淮鹽原有之楚岸仍令歸淮於楚省

餉需大有裨益非僅毫無所損現在滇黔肅清正

宜移侵楚之川引復從前之舊額等語所奏甚是

即著李瀚章文格翁同龢王文韶遵照部議迅速

辦理其應如何剔除積弊嚴杜私銷之處並著沈

葆楨等會商妥辦等因欽此遵

旨寄信前來並准部文議覆御史周聲澍禁川復淮

一摺酌擬章程五條又議覆御史吳鴻恩川釐

未可更張片奏一件奉

旨依議欽此各等因咨行遵照事關數省大局通盤

覈計不特目前時勢窒礙甚多第將川淮歲入

之數兩相比較酌劑盈虛已於

國餉有虧而民情亦難遽順伏查淮鹽定額以六

百斤為一引每引收課釐銀六兩一錢四分川
鹽入楚每引收課釐錢十千八百文合銀六兩
二錢六分四釐加以川省每引收銀三兩零六
分一釐二毫川鄂兩省併計每引實收銀九兩
三錢二分五釐二毫湖南澧州花畹岡鄰稅每
斤八文尚不在內淮鹽一引實已較川鹽少收
課銀三兩一錢八分五釐二毫現准川鹽行銷
荆宜安襄鄖荆澧等府州查舊額銷准數目僅
止十四萬六十餘引原分界時已准兼售淮鹽
鄂省歲收川稅約錢一百六七十萬串合銀百
萬以上加以川省歲收六十餘萬合計每年應
收銀一百六十餘萬兩淮鹽行銷武漢黃德等
府最旺之區舊額銷數四十三萬餘引不准川
鹽顆粒侵灌每年竭力疏緝所銷不過十餘萬
引茲將行川之地全數歸淮照武漢等府現銷
之數按成料算每年不過多銷四五萬引收銀
三十萬兩左右於餉項虧損已鉅徒令兩淮有
收回引地之虛名而先失川鄂兩省一百六十
餘萬之實款非計之得也如沈葆楨所奏每年
令淮商包完鄂釐銀九十萬兩無論岸課用數

向有定款未可損彼益此即使如數解鄂下短
之款仍歸無著淮綱於行銷多年之岸未能徵
收足額而新議規復之地又焉能必其溢額包
完耶若專責成淮商商人惟利是求豈能不顧
成本傾解私囊年年包完鄰省餉需且票商與
岸商不同票商有利則趨無利則停官亦難為
驅迫其情事應先計及至部臣謂淮鹽課有定
額不能絲毫虧短如有虧短不難查出立追姑
就淮銷武漢等府統計每年短銷額引不為不
鉅未聞執法追繳蓋以既改票章但計課餉盈
虛不問銷數多寡今何舍已成之課餉而令川
鄂交受其困與其日後紛擾何如姑守定章查
鄂省川課每年動撥滿營兵餉二十六萬有奇
戶部十萬固本六萬荆宜水師二萬數千其他
各省協餉本省防營大半取給於此川省行鄂
鹽課每年動撥京外各餉及本省軍餉亦不下
數十萬未聞淮商包完之議此項又將何出遽
行禁止兩省短收過鉅斷難照舊撥解必須另
請改撥恐彼時部臣亦有為難現在防海征西
以籌餉為第一要義為

朝廷計當合天下全局統顧兼籌縱不能別謀富國之方豈可以億萬現銀付諸一擲部臣原奏亦稱淮課川釐均為餉需所繫使相較兩無贏縮何煩固為爭執必拘拘焉議覆向章此誠破的透宗之論議覆吳鴻恩奏片內稱同治十二年分湘鄂收數一百萬兩未嘗計及川省臣今所稱歲收一百六十餘萬係合川鄂兩省實收現數部臣又謂引地全數歸淮可收百二十餘萬與沈葆楨所云九十萬兩數亦不符且屬懸揣之詞短絀勢所必至語云利不百不變法取鄂省所收之數與淮課較優絀已分合川鄂兩省所收之數與淮課較直有天淵之別兩淮既為鄂計何不併合川計現在周聲澍沈葆楨先後陳奏部臣力主其說嚴定一年之限行令臣等妥籌臣何敢故違成議惟荷蒙

聖恩俾任疆圻明知餉源所繫利害所關苟隱忍不言將來必致無可補救謹就所擬章程五條逐細籌度均覺辦理過驟並據署四川布政使杜瑞聯鹽茶道蔡逢年以川邊銷路未復應照舊章暫准行楚會詳請奏前來理合據實籲懇展

緩敬為

皇太后

皇上縷晰陳之一請封私井以塞來源查川省鹽井
報部總數本有八千八百餘眼之多額銷邊引
向配捷富榮三廠行楚川鹽則專配捷富兩廠
兩淮所指之私井業經護督臣文格委員周應
確查據稟捷為自遭賊擾井竈多半歇業每遇
奏銷皆係賠繳課稅舊井尚且無力煎燒豈有
餘力開鑿私井榮縣額井三十二眼現在井枯
竈減僅存十二眼內有三眼水已就枯全推之
井實止九眼富順鹽井除報部額數外咸豐年
間奉文募商開鑿增添新井一百餘眼應照新
章封禁惟捷為榮縣廢竭之井百數十眼尚未
修復正賴通融調劑以贏補絀彼此相抵於額
數並無浮溢此事係前督臣駱秉章廣為設法
竭力招徠始有成效地產所萃人力所營昔年
勸諭而開之今日強迫而封之無論勢難遽行
亦覺於理未順况汲井燒竈何止數十萬人水
陸裝運又不下數十萬人無業窮民易聚難散
必須妥籌善策逐漸施行非三五年所能就理

此必應展緩者一也一請疏邊引以分銷路查川鹽行銷本省外貴陽昭通向有口岸滇黔肅清未久岸埠房屋器具馱運等項被燬無存舊商死絕逃亡間有一二存者資本罄盡驟難整理復充故近日行邊川鹽止在川邊營運不能直達本岸積引七萬餘張專賴楚岸分銷藉資挹注臣去秋今春道經雲貴各府縣往來數十里內罕見人煙實緣戶絕丁稀以致銷微引滯兼之舟楫不通肩負騾馱利輕累重沿途局卡林立咨禁視為具文邊省苦瘠之區專恃此項釐金以充軍餉勢不能強令撤裁故新商莫肯承認非俟一二十年後流亡復業丁口滋生不能舉辦此必應展緩者二也一請復巡卡以遏來路查川鹽入楚在乎善壩設卡驗票至宜昌納稅兩淮派有監掣委員稽查數目行之近二十年商民恪守定章相安無事今部臣飭令改設巡卡而引乾隆三十五年成案設卡兩處巡船數隻現在武漢黃德四府緝私分卡數十處礙船巡勇數百人偷漏尚多誠以兵燹後奸匪游勇到處皆有其肯以販私為業者尚是自謀

生路儻巡緝過嚴若輩轉謂官長絕其衣食或
致昧

國家之例禁民情不古豈能執乾嘉盛時以相比
例若兩淮於平善壩設卡查緝不嚴則有名無
實是變有稅之鹽而無稅成本愈輕奸販愈眾
淮網現銷之岸且不能保如果廣籌經費分紮
重兵實力堵截勢必激成事端擾累良善後患
不堪設想此外夾帶包攬亦有思慮所宜及而
勢所必至者此必應展緩者三也一定限期以
復舊制查川省鹽井深至五六百丈井底自能
出火各廠燒鹽有用煤炭者亦有引取地火者
大都逼近民廬毗連街巷日久不汲則火發燎
原必須鎔鐵數萬斤投入井口務令滴乾火熄
方可謂之封禁現查新井確數雖止富順界內
一百餘眼約計人工鐵價數已不貲此項巨款
應由官給一時何從籌措加以億萬失業之眾
鋌而走險何所不至必須滇黔元氣大復邊銷
日廣然後人得謀生臣此次由鄂入川商販聞
信哀求動盈千百沿江緯夫船戶私憂竊歎愀
然喪其樂生之心情形岌岌可慮此必應展緩

者四也一請講煎煉以利銷路查此條係兩淮專政沈葆楨摺內應指積弊籌議新章法良意美經此一番整頓敵川自可無疑惟虫虫之氓非目覩其色口嘗其味豈能家置一喙強令信從淮鹽果有起色將來運至武漢等府自必歡聲雷動行川之地本准淮鹽分售互相比較美惡判然民生日用所需豈肯舍貨高價賤之淮鹽而食貨低價貴之川私不禁之禁莫善於是特未可驟而致耳此必應展緩者五也以上五條僅就部臣所議默參時勢平情酌覈實難依限舉行為政在得民心不宜操之過急利弊所關尚不止此未敢瑣瀆

宸聽總之時局方艱餉源尤重伏願

乾綱獨斷弗遽信淮商九十萬之虛數輕棄川鄂一百六十餘萬之實餉弗專順一隅之商情致絕川鄂兩省億萬商民之生計俾部臣可無另籌改撥之勞疆吏亦幸免貽誤顛仆之咎

國計民生兩有裨益愚昧之見是否有當伏乞

皇太后

皇上聖鑒訓示再臣行抵成都與護督臣文格籌議

恭謝

天恩摺 三年二月十八日

奏為恭謝

天恩仰祈

聖鑒事竊臣前在四川途次准兵部發交提塘官恭

齎到

欽賜

御製詩文集各一部臣當即恭設香案望

闕叩頭謝

恩祇領欽惟

穆宗毅皇帝克仁天覆

湯德日新秉

懿訓於

兩宮被龍袞而治臻上理震威稜於八表靖狼烽而業

致中興溯當

典學青闈以迄

親臨丹宸金壺灑潤光燦麟毫玉簡披珍香浮麝墨

為章雲漢擷典謨誓誥之精託興風詩繼喜起

明良之製我

皇上寅承大寶

申命儒臣蒼莖芸編勒成一集雕鏤棗版昭示千秋

十三年治定功成永懷

宵旰億萬世家絃戶誦共覩

星雲臣彝測才踈豹窺學淺忝兼圻於鶴渚莫酬

君父深恩叨

寵賚於

螭墀願作子孫世寶所有微臣感激下忱謹繕摺叩謝

天恩伏乞

皇太后

皇上聖鑒謹

奏

奏

皇太后

皇太后

天恩

伏以

皇太后

皇太后

皇太后

皇太后

十三年治定功成永懷

世職日多請照章量予限制摺

三年三月十四日

奏為湖北省庫款異常支絀世俸漫無限制擬請

仿照湖南章程量予變通以昭樽節而裕庫儲

恭摺仰祈

聖鑒事竊照軍興以來文武員弁紳團人等或臨陣

捐軀或守城殉節

朝廷憫念忠蓋無不立沛

恩施予以襲職原係賞延後世以示優卹乃鄂省近

年請襲各項世職愈積愈多綜計歲支俸銀不

下四萬八千兩有奇此後請襲領俸源源而來

難以數計年復一年伊於胡底現值庫藏空虛

稅釐減色奉撥京協各餉多而且急放款日見

其增庫項日形其絀

國家經費有常而世俸則有加無已若不急議變通

目前既難支持將來尤難為繼臣與司道等再

四籌商擬請仿照湖南

奏定章程分別減支酌量定額以資周轉嗣後

除年已及歲後驗明膂力未充及自行稽遲

並不投標暨未諳弓馬患病成廢四項世職

俸銀一概暫停支發外所有發標學習並年

未及歲各世職全半俸銀凡係承襲騎都尉以
上者按照原額各減五成支發雲騎尉以下者
按照原額各減四成支發其丁憂終養例食半
俸暨兼襲應食全半俸各人員均照前項減成
支給統以光緒三年四月為始一律照辦查現
在通省發標學習及兼襲各項世職共計五百
六十名應請即以此數作為定額其定額後續
冊遇有缺出不論品級不分營分即以名次在
前之員頂補支俸其年未及歲世職多係孤苦
藉俸養贍毋庸定額准其照章一律支食減成
半俸以示體恤如此量予變通庶世俸稍有有限
制而司庫亦藉資周轉矣據湖北布政使孫衣
言詳請具

奏前來臣覆覈無異除咨戶兵二部查照外謹會
同湖北巡撫臣翁同爵湖北提督臣李長樂恭
摺具

奏伏乞

皇太后

皇上聖鑒勅部議覆施行謹

奏



奏

請將漢陽宜昌水師改為陸營摺

同日

奏為查明湖北漢陽宜昌各協營經制水師今昔情形不同擬請改為陸營以專責成而符名實

恭摺仰祈

聖鑒事竊照湖北漢陽協營經制水師濱臨外江內

河自同治七年新設長江水師後先經兩江督

臣曾國藩等奏請裁撤繼經兩江督臣馬新貽

等以該處華洋交涉河港紛歧續議奏准酌留

改駐又宜昌鎮標經制水師前後二營濱臨川

河兼轄水陸塘汛歷經分段駐防各在案伏思

立法貴在因時循名必先責實近年以來長江

既設水師營汛內河又有楚軍礮船棋布星羅

上下梭巡布置已極周密較之舊設經制水師

員弁駐守一處尤為得力是今昔情形迥然不

同查舊制水師向係水陸兼轄地廣兵單已不

免顧此失彼而其中專轄陸汛又居大半凡遇

護送餉鞘遞解人犯等事悉歸陸汛經理雖營

分名曰水師差遣多在陸路此漢陽宜昌舊制

各營僅有水師之名而無水師之實也向例遇

有各該營員弁出缺應以水師人員請補近因

水師本缺無人往往揀補綦難即如上年宜昌水師後營遊擊缺出本班既不得人湖北通省又無水師都司不得已以水師守備越級請升例章雖屬准補而員缺究覺相懸臣與司道等公同商酌與其虛設水師而事無實效不如全改陸營而責有攸歸且查原設戰哨巡船向有應領經費若改為陸營可將此項裁除以節糜費相應請

旨將漢陽宜昌經制水師各協營改為陸路專營遇有缺出即以陸路人員請補以符名實如此酌量變通庶於水陸汎地各專責成而於新舊營制兩無妨碍矣如蒙

俞允其有以後變通未盡事宜再飭司道隨時會議詳咨立案臣為劃清營汎起見是否有當謹會同湖北巡撫臣翁同爵湖北提督臣李長樂恭摺具

奏伏乞

皇太后

皇上聖鑒勅部核覆施行謹

奏

謝

天恩摺 三年七月十八日

奏為恭謝

天恩仰祈

聖鑒事竊臣於光緒三年七月十四日准兵部交由

提塘官恭齎到

御賜

欽定勦平粵匪方略勦平捻匪方略各一部臣當即

恭設香案望

闕叩頭謝

恩祇領伏念澤梧小醜倣擾東南潁毫游氛蔓延西

北設險難憑乎天塹青犢狂奔盜兵敢弄於潢

池朱鳶屢警

文宗顯皇帝三辰秉化九伐宣威夕埃占烽不振撥釁
之勢

宵衣命將已成掃箠之形方期王屋烏流弓寮毋野豈

料堯年鶴語

鼎鑄軒湖

穆宗毅皇帝下武作求

前光克迪

媯黃翊運展龍斨而式兼

兩宮

湯鉞除殘斷鼉足而永維四極兵銷建業旌旗驕日月
之光煙掃齊州帶礪勒河山之券

十一征大功耆定衽席同登億萬年有道縣長坂堦普
北討諡我

皇上敬

天法

祖圖易思艱際方略之告成軫前勞而

錫賚猥以禱昧仰荷

隆施捧十襲之

螭函切五中之龍戴微臣廿年從宦曾厠戎行三楚兼

圻愧無報稱念矛浙劍炊於昔日益當軫恤民

依繹斧柯毫末之微言尤貴勤求吏治行見西

陸凱奏

續成泰誓三篇更瞻

北極奎光永燭浯溪萬丈所有感激下忱理合繕摺


叩謝

天恩伏乞

皇太后

皇上聖鑒謹

奏



奏

